

MOPHATO 1 PUOGAE

Segwagwa se ya kwa sekolong



SETSWANA



Buka

1



Dibuka tse di se nang mafoko

Buka e e se nang mafoko e ke ya ntlha mo Motseletseleng wa Dipadiso tsa Mophato 1. Dibuka tse se nang mafoko di tlotla dikgang fela ka ditshwantsho mme di bothhokwa mo go baakanyetseng barutwana puiso. Fa di dirisiwa ka nepagalo, dibuka tse di se nang mafoko di thusa barutwana go:

- ranola bokao go tswa mo ditshwantshong
- ela tlhoko dintlhana tse di mo ditshwantshong
- ikatisetsa bokgonni jwa puiso jo boswa
- sala tatelao ya kgang le poloto morago
- dirisa ikakanyetso ya boa
- itshepa mo go tlotleng kgang gape
- araba dipotso ka ga kgang

Re tsenyeeditse dikaedi, go go thusa go tlotla kgang, fa o phutholola ditsebe tsa buka le barutwana ba gago. O tlaa bona dithhogo tse di latelang tsa "motlotlo wa dikwalwa" le dipotso tse di bothhokwa go tlotla kgang e e se nang mafoko le barutwana ba gago. Gape re tsenyeeditse dikaedi tsa ka moo o ka tlotlang kgang ka teng. Tseno o tlaa di fitthela, mo gare ga sephuthelo sa buka. Go bothhokwa go lemosa barutwana gore segwagwa se dira eng mo setshwantshong sengwe le sengwe go thusa barutwana go sala morago poloto ya kgang le ka moo baanelwa ba bangwe ba arabelang segwagwa ka teng.



Dipotso tse dingwe tse o ka buang ka ga tsona:

Kgange ka ga eng?

Segwagwa se dirile eng?

Segwagwa se ile kwa sekolong jang?

Lebelela setshwantsho se se mo tsebeng ya 9. Ke goreng Joe a ne a tshwara tlhogo ya gagwe?

Lebelela setshwantsho se se mo tsebeng ya 11. Bana ba ne ba batla segwagwa kwa kae? Segwagwa se ne se iphitlhile kwa kae? (Lebelela segwagwa se iphitlhile mo sekhutlhwaneng sa petse ya motlhaba kwa tlase ka fa mojeg.)

A o akanya gore segwagwa se tlaa ya kwa gae le Joe? Ke eng o akanya jaana?


O ka dira eng fasewagwa se ka tsena mo phaposiborutelong y gago?


Diragatsang kgang e.

Isele liya esikoleni
















$$4 + 4 = 8$$

$$8 - 4 = 4$$











MOPHATO 1 PUOGAE



Buka 1

Leina kana
setlhogo:

Segwagwa se ya kwa sekolong

Puo:

Setswana

Maemo:

Padiso ya Puogae Mophato 1 Maemo 1 Buka 1

Dintlha tse di latelang di ikaeletswe go go thusa morutabana, go tlota kgang. Re go file sekwalwa se sennye go go kaela, ka maikaelelo a go go naya wena le bana, sebaka sa go ranola le go tlhalosa kgang ka ga "go buisa ditshwantsho". Gakologelwa go gogela dikgathegelo tsa gore segwagwa se dira eng mo setshwantshong sengwe le sengwe, mme o bua gape le ka mekgwa eo baanelwa ba bangwe ba tsibogelang segwagwa ka teng.

- 1 Joe o aparela go ya kwa sekolong. Diotlwana tsa ga Joe di a mmogela fa a ipaakanyetsa go ya kwa sekolong.
- 2 Joe o na le diotlwana di le tharo: ntswa, katse le segwagwa se sennye se se tala. Fa Joe a ntse a forogothla katse, segwagwa se sennye se se tshwenyang se tlolela mokgetsaneng ya gagwe ya sekolo. Joe ga a bone segwagwa mo kgetsane ng ya gagwe.
- 3 Joe o sadisa batsadi ba gagwe sentle ka letsogo le diotlwana ts a gagwe, mme o ya kwasekolong. Joe o sa ntse a sa kgone go bona segwagwa mo kgetsane ng ya gagwe.
- 4 Joe o goroga kwa sekolong. O itumeletse go bona ditsala tsa gag we. Joe ga a ise a itsegore segwagwa se iphitlhile mo kgetsaneng ya gagwe.
- 5 Tshipi e a lela, tiring, tiring! Joe o tsena mo phaposiborutelong. Fa a ntse a kwala, segwagwa sa tlolela kwa ntle mme se kotama mo tlhogong ya ga Kenny. Segwagwa se thula digalase tsa ga Kenny. Joe o sa ntse a sa bone segwagwa.
- 6 Segwagwa se tlolela mo pitseng ya pente e khibidu.
- 7 Segwagwa se pharumela mo desekeng ya ga Lebo. Segwagwa se se tshwenyang se tshololela pente e khibidu gotthe mo godimo ga deseke ya ga Lebo. Joe o lemoga gore ke segwagwa sa gagwe mme o leka go se tshwara.
- 8 Morago, segwagwa se tlolela mo godimo ga tafole ya morutabana. Morutabana o maketse thata e bile o wela kwa morago.
- 9 Morago ga moo, segwagwa se tlolela mo lebokosong la dijotshegaré la ga Anna, mme morago mo godimo ga deseke ya ga Anna. Joe wa batho ga a itsé gore a dire eng.
- 10 Bana bottle ba tebisa segwagwa. Ba leka go se tshwara mme tlolela kwa ntle ga lebatí se bo se pharumela kwa lepatelong. Bana ba se sala morago go tsena kwa lepatelong. Ba a leka, ba a se tshwara, mme se tshwamoge.
- 11 Mme, segwagwa se a timatimela! Bana ba batlana le segwagwa. Ba batla ka fa tlase ga ditlhare, dipetse tsa motlhaba, mo sekgweng le ka fa tlase ga dibanka. Ba batla gotthe, mme ga ba kgone go bona segwagwa.
- 12 Jaanong ke nako ya go boela kwa gae. Tshipi e a lela, tiring, tiring! Joe o simolola go ya kwa gae. Segwagwa se se tshwenyang se ntsha nkonyana mo kgetsaneng ya ga Joe. Ke ntswa fela e bonang segwagwa. Segwagwa se sennye se itumeletse go ya kwa gae morago ga letsatsi le le bokete la kwa sekolong.

CAPS e batla gore barutabana ba beeble kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.


Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganyo le ditirwana tse dingwe tse di tsamaelanang go thusa morutabana go kaela puiso ya ditlhophpha mo diphaposiborutelong tsa bona.

ISBN 978-1-4315-2669-7



ISBN 978-1-4315-2669-7



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Dibuka tse dingwe tse di
mo Šelofong ya Puogae ya
Mophato 1:



Segwagwa se ya kwa sekolong

Ke kgona go buisa

Re ya kwa sekolong rotlhe

Letsatsi la metshameko la
diphologolo



Re rata kgwele ya dinao

Go apara

Ben o iponela tsala e ntšhwa

Llori ya Matipatipane



Sethole se sennye se sehividu

Amo o ya kwa ngakeng

Toro ya ga Dudu